

四庫未收書輯刊編纂委員會編

四庫未收書輯刊

北京出版社

柒輯・玖冊

四庫未收書輯刊

四庫未收書輯刊編纂委員會編

北京出版社

柴輯・玖冊目錄

重濬江南水利全書八十四卷總圖一卷・之一  
〔清〕陳鑾等撰

一

〔清〕陳鑾等撰

重濬江南水利全書八十  
四卷總圖一卷・之一

清道光二十一年刻本

序

水爲萬物之母而農田利之也尤亟然水不及固無利而太過亦非利故周官稻人有瀦畜防止溝蕩遂均列舍澮寫諸法而後世疏盈瀉溢蓄水連泉諸水令因之江蘇布政司領蘇松常鎮太倉四府一州爲田二十二萬頃有奇歲徵米二百萬石銀稱是而贏地不越五百里歲漕恆當天之下半豈江水宜稻使然哉抑農之治田精且勤於江北諸郡哉蓋自宋范文正公諸人講求宣蓄之道必使田高於浦浦高於江江高於海以收輪洩之利中有震澤廣三萬六千頃復若澱山三泖陳沙昆承諸巨湖渟泓涵蓄水利全書

序

一

滿足以敵渾潮旱足以灌田野東南享潤澤之利者遂數百年道光癸未霪潦江湖皆溢歲以不登明年中外諸臣乃爭言濬治之法時前制府少穆林公方陳臬事奉綜辦三江水利之

命後以艱去未果行而治水之績從此始乙酉陶文毅公來撫吳卽有覆勘黃浦工程之事丙戌議治泖湖丁亥重濬吳淞江戊子濬華婁上青四縣境之蒲匯塘及丹陽之練湖己丑濬太湖應之鵬鶚河庚寅濬常州之孟瀆德勝渠港三河皆余承乏蘇藩時勘夫工籌經費佐文毅以成之者壬辰余以病歸文毅既總制兩江少穆巡撫三吳陳

芝楣怡悅亭中丞相繼爲藩伯四君者同心合力又舉劉河白茆七浦楊林及徒陽運河並治之丙申復有重濬蘇松太三府州河道之工寶山華亭兩海塘亦先後修築由是而吳之水利大治矣芝楣自乙酉出守海至節府在吳十餘年於舉諸鉅工皆所親歷而監督者故得錄其副屬姜明經皋編輯之次第付梓乃刊工未竣遽歸道山其事幾輟今年夏華亭洪令玉珩慨然願捐廉俸以完之及冬書成適余重來乃以序相屬嗚呼言吳之水利者宋單錡郊宣元任仁發明姚文灝張國維至

水利全書

序

二

考若以爲今昔異宜通塞異治則此書中亦詳且盡矣且芝楣在浙藩時舉太湖七十二漚之在浙境者疏治之是已得治太湖之道太湖治而吳淞亦治東南之水利遂無不治盡水之利以利斯民豈不偉哉監是局者理問今州牧吳廷榕曾助刻工者嘉定令今長洲令張之杲前婁令毛應觀合並紀之是爲序

道光二十一年歲在辛丑冬十月撫吳使者長樂梁章鉅

譔

重濬江南水利全書

凡例

一是書初名三江水利全書以疏濬太湖下流如吳淞江劉河泖湖黃浦是也後改名江南水利全書以蘇之白茆福山常之孟瀆三河鎮江練湖徒陽迤河江寧城內外各河均非三江所該也華亭寶山重築海塘兩案亦列入其福山修城案則因濬福山塘河案併入者也

一全書內各案卷一恭載奉到

諭旨及督撫章奏其次等卷皆錄文移詳稟章程工段其重濬江南水利全書

凡例

有兩案併

奏者如道光十四年請挑劉河白茆所有奉到

諭旨則敬謹分載於兩案之首其有數十案併

奏者如道光十六年挑辦蘇松太三府州河道則另立

一卷冠於各河案之前

一文移詳稟章程工段等文不係衙門大小均以年

月日爲次惟華亭寶山修築海塘兩案事繁工鉅未

易該括於文移詳稟之後特將採木購石章程工段

各自爲卷較爲詳悉庶後之從事於斯者有所依據

焉

一全書發凡起例於 制府陶文毅公以海運全案

爲式故重濬各河亦稱全案也 林少穆制軍 怡

悅亭中丞又以蘇松太三府州河道之案互爲審定

於是江南水利濬治告成矣而書亦大備矣爰書名

以紀其實其有抄錄全卷以佐編輯及相助校刊有

關書事者宜亦列名卷端

一江南水利各案十餘年來自 院司至印委各員

原擬照案編列銜名祇以人數過多且已均見本案

故未重爲登載卽如 劉次白方伯重濬雕鶚河

賀藕庚中丞督濬江寧城內外各河懋績蓋勤具載

重濬江南水利全書

凡例

二

本案銜名內亦未重列

一江南水利有關於民生

國計者甚鉅其通塞也有因其疏濬也有要近山或慮

沙壓濱海尤易潮淤若何導清水以滌渾流若何建

閘壩以攔濁入更有高卑異勢蓄洩異宜今昔情形

未可一例者故博考歷代治水之跡而仰測其所以

治之者爲作敘錄若干篇

一各案河道之圖應照既濬之新河而繪也緣今之

所濬者其情形每有與舊不同者或取直以駛其流

或改道以就其下惟有繪爲新圖始昭確覈耳乃河

事既成每以原圖附案者及至查取新圖久未送到所以全書內圖繪或有或無尙有待於補入也

一是書雖係官書皆由捐辦數年來所至之處攜以自隨屬友能知水學者專司其事也所有李郡守景於重濬吳淞江案內姚觀察瑩於重濬孟濱三河案內均云有存款若干以爲刊碑刻書者其實並未取用

道光己亥秋

瓣香書屋謹識

重濬江南水利全書

凡例

三

重濬江南水利全書目錄

序文 凡例 總圖 總目 官銜

重濬三江水利案

濬治泖湖案

重濬吳淞江全案

修濬蒲匯塘案

修濬練湖并建閘案

重濬鵬鶚河案

重濬孟濱德勝河澡港案

重濬江寧城河并秦淮清溪運瀆各河案

重濬江南水利全書 目錄

一

重濬劉河案

重濬白茆河并徐六涇案

重濬七浦案

重濬蘇州府城河案

重修寶帶橋工案

重濬徒陽運河案

重濬練湖移建閘座案

重濬蘇松太三府州河道 奏案

吳江縣瓜涇港王家匯姚家莊七里港村前嘴大港

新港各河案

常熟昭文二縣重濬福山塘竺二塘涇景市橋河案并  
修築城垣案

吳縣重濬張家塘香山港王家橋各河案

上海縣重濬蒲匯塘肇家浜李從涇新涇薛家浜案

川沙廳重濬上海南匯連界白蓮涇長浜呂家浜小

腰涇四河案

重濬川沙上海都臺浦趙家溝西運鹽各河案

華亭縣重濬亭林鎮鶴頸匯大小運港南北鄉高蔣

涇俞塘等河案

婁縣重濬古浦塘官紹塘案

重濬江南水利全書 目錄

二

金山縣重濬洙涇互迎港周家埭邵家塘各河案

重濬泖湖案

太倉州鎮洋縣重濬楊林河并錢涇瑤塘朱涇南北

漕漕石婁蕭塘西南十八港六密塘大凌門等河

案

嘉定縣重濬華亭涇蒲華塘黃姑塘南北雙塘吉涇

心涇川路涇橫塘練祁塘等河案

修築寶山海塘案并隨塘河案

修築華亭海塘全案

吳淞江敘錄

劉河敘錄

白茆河敘錄

七浦敘錄

泖澱敘錄

黃浦敘錄

厯治松郡水道敘錄

厯治華亭海塘敘錄

重濬江南水利全書 目錄

三

重濬江南水利全書 銜名

閱訂

賜諡文毅前 太子少保兵部尚書兩江總督 臣 陶 澍

原任兵部尚書兩湖總督前江蘇巡撫 臣 林則徐

參訂

浙閩總督前護理江蘇巡撫江蘇布政司 臣 怡 良

纂輯

贈太子少保前署兩江總督江蘇巡撫 臣 陳 璧

分輯 分校

江安糧道前蘇州府知府 臣 沈兆澐

重濬江南水利全書 銜名

銜名

直隸保定府前署蘇州府知府 臣 周岱齡

直隸天津道前松江府知府 臣 文 康

卽補知府前太倉州知州 臣 李正鼎

蘇州府海防同知 臣 楊承湛

松江府川沙同知 臣 何士祁

卽補同知松江柘林通判 臣 陳延恩

原任臺灣道前署武進縣知縣 臣 姚 瑩

泰州知州前嘉定縣知縣 臣 張之杲

推陞通政司知事前青浦縣知縣 臣 蔡維新

原任貴州遵義府前署高郵州知州 臣 平 翰

同知銜上海縣知縣前署常熟縣知縣 臣 藍蔚雯

前候補知府原署上海縣知縣 臣 黃 冕

知州銜前署嘉定縣知縣 臣 王錫九

太倉直隸州知州前崇明縣知縣 臣 徐家槐

蘇州府督糧同知 移駐上海 前元和縣知縣 臣 沈炳垣

蘇州府總捕同知前署金壇縣知縣 臣 龔潤森

原任 婁 縣 知 縣 臣 毛應觀

松江府知府前署上海縣知縣 臣 練廷璜

知州銜江陰縣知縣前署昭文縣知縣 臣 金 咸

候補知府前華亭縣知縣 臣 洪玉珩

重濬江南水利全書 銜名

銜名

知州銜常熟縣知縣 臣 常 恩

原任泰州知州前理問借補江蘇按察司經歷 臣 吳廷榕

江蘇布政司理問 臣 洪金桂

江蘇布政司庫大使 臣 荆道復

華亭修築海塘全案十卷其目錄

宮保陳大中丞所定者也 中丞輯江南修濬水利之  
案凡數十卷業已刊刻成書而此案最後未及刊遽  
歸道山其稿則大半畱存於姜小枚明經所庚子珩  
乃屬明經據目錄輯補之且捐廉付之梓明年工告  
成然是時也海氛甚熾兵事倥傯無暇兼及癸卯秋  
至雲間明經以印行華塘全案爲請適又忽忽而去  
旋即于役浙西歸復奉檄往來靡定及此重來權郡  
則去始議輯補時五年於茲矣海塘爲此間要務全  
案尤備載章程可爲日後重修之典則及今不印以

華亭修築海塘全案 議後

成帙也又將何待哉爰商之於藍子青司馬常靜齋  
刺史徧告同人舉水利全書併印之蓋濬諸河者導  
水以入海築海岸者防海之內蝕操乎此所以爲水  
利之大成也自 陶文毅公 林少穆 怡悅亭兩  
制軍與 芝楣陳宮保數公當日同心合力講求治  
水之道以妥民生以豐

國計崇勛鉅績久已昭然於天下而十數年中先後同  
僚助勦勞動所以佐成功者其均有可紀也良法美  
意之所存其有益於東南非淺鮮矣

道光甲辰夏日 大定洪玉珩謹識

# 江蘇水利全書圖說

水利全書繪圖例略

圖說一

志地之書繪圖皆北上而江南通志於江淮河三水  
圖則北上蓋就水之形勢也乾隆五十一年

廷寄湖廣總督武陵白沙隄工圖樣南北倒置不便閱看  
嗣後勿再舛錯故近今續修行水金鑑中各圖皆南向  
觀之海運全案所繪吳淞江圖亦同今此書繪列之  
圖悉用是例

圖用開方法如阜昌禹蹟圖每方百里是也今按以  
吳中疆域祇能一方一里然每里各縱橫三百六十  
步計各二百一十六丈以河寬二十丈者僅居里十

分之一而弱也况書版高不過六寸每行至多析爲二十格是每格見方寬廣僅三分以二十丈之河居三分一里之格在其中祇宜一縷若以次遞減之支河亦何從著筆今繪諸圖不復界畫方格

首列江蘇水道圖一詳地界方位也次太湖全圖一蘇省水利之大綱也次吳淞江圖二劉河圖一劉河卽婁江次泖湖圖一泖湖今爲黃浦之源足當東江三者皆太湖入海之道也次白茆河圖一附徐六涇圖一七浦圖一皆分洩太湖之水者也次孟瀆德勝溇港三河圖各一常郡資以灌田濟運者也次練湖

圖說二

圖一附張官渡橋圖一亦以濟運者也次徒陽二縣境運河全圖一江浙轉漕之道歲所濬治者也次附蘇州府城河圖一江寧府城河圖一皆重濬之以便民者也

# 江蘇水利全圖

全圖一




# 太湖全圖

太湖一

江蘇布政司所屬蘇州松江常州鎮江四府太倉一  
州領縣凡三十有二其爲田地山蕩灘塗峯淩等則  
共二十四萬七千一百一十五頃有奇應納銀二百  
一十五萬兩本色米豆一百九十九萬一千八百石  
壤地不博財賦素繁此農田水利之不可不亟亟也  
數年來各郡之餘河若吳淞江劉家港三泖七浦白  
茆孟瀆者多爲重濬矣而漕運之道出於京口者亦  
講求深通設牐以資輸送今並各縣之水次以達運  
者總繪爲圖


國計民生職宜慎重者焉





太湖廣三萬六千頃在蘇州府者十之五爲吳縣長洲吳江震澤四縣界在常州府者十之三爲無錫陽湖宜興荆溪四縣界其在浙江湖州府者十之二爲烏程長興二縣界其來源則自廣通設壩宣歙金陵之水不入矣今惟天目四安諸水會於霅苕以入者爲大而金壇溧陽各山水注爲百瀆者亦自西北來以歸於湖也其東出也則自吳家港瓜涇港鮎魚口牛毛墩浪打川等處分布於三江漫衍迤邐以入海雖其中茭蕩菱塘或設爲魚簍停泥斷港久之多佔成田然東南之澤要爲最巨誠水利之大綱哉

# 吳淞江全圖

吳淞江





吳淞江自吳江長橋起至海口凡二百六十里太湖之東流正幹也歷吳江震澤吳縣元和崑山新陽嘉定青浦上海九縣地舊合澱山湖大泖長泖圓泖諸湖蕩趙屯大盈顧會崧子盤龍五大浦之水以入於海故其源甚清其流亦壯自夏駕浦新洋江分洩於婁江而淞之中流弱自范家浜開閘會於黃浦而淞之尾閘奪矣渾潮湧入易致形勢變遷故攷江之兩厓浦港涇浜脈絡貫通其迹尙有可循者備繪之以待濬治庶還黃渡練祁東西數十里間水田之舊亦農政之所宜究心也

# 重濬吳淞江工段圖

工段一